

SULIT
02/1
BAHASA MELAYU
KERTAS 1
MASA 1 JAM



02/1

MAJLIS PENGETUA SEKOLAH MENENGAH
(CAWANGAN PULAU PINANG)

MODUL LATIHAN BERFOKUS PMR 2013

BAHASA MELAYU

KERTAS 1

1 JAM

JANGAN BUKA KERTAS SOALAN INI SEHINGGA DIBERITAHU

1. Kertas soalan ini mengandungi 40 soalan aneka pilihan.
2. Jawab semua soalan
3. Semua jawapan anda hendaklah dihitamkan pada kertas jawapan yang disediakan
4. ~~Tiap-tiap~~ Tiap-tiap soalan diikuti oleh empat pilihan jawapan iaitu A, B, C, dan D. Bagi tiap-tiap soalan, pilih satu jawapan sahaja. Hitamkan semua jawapan anda pada kertas jawapan objektif yang disediakan.

Soalan 1-7

Lengkapkan ayat-ayat yang berikut dengan memilih jawapan yang paling sesuai.

1 "Setelah _____ selesai bersiram nanti, sediakan santapan untuk Sultan Izzuddin," kata bendahara kepada gerau di Istana Seri Kenangan.

- A patik
- B beta
- C baginda
- D tuanku

2 Ibu _____ telinga adik kerana adik tidak mengendahkan larangannya supaya tidak bermain hujan.

- A memegang
- B memiat
- C mengetil
- D mencubit

3 Pelakuan pendatang asing yang meninjau-ninjau rumah _____ penduduk tempatan pada setiap petang menyebabkan mereka berasa cuak.

- A setengah
- B segelintir
- C sebahagian
- D separuh

4 Puan Aini sekeluarga mengenakan pakaian yang _____ pada pagi hari raya Aidilfitri.

- A sedondon
- B sepasang
- C sepada
- D seiras

- 5 Reka bentuk Menara Telekom yang tersergam indah itu diilhamkan oleh _____ tempatan.
- A jurubina
 - B juruhias
 - C juruukur
 - D juruteknik
- 6 Bunyi tembakan yang _____ kedengaran di medan pertempuran antara pihak tentera dengan segerombolan penganas.
- A bersimpang-siur
 - B bersiut-siutan
 - C bersiung-siungan
 - D berdengung-dengung
- 7 Amirul muntah-muntah kerana mengalami _____ setelah mengambil ubat yang dibelinya daripada seorang penjual ubat di kaki lima.
- A kebas
 - B ruam
 - C kekejangan
 - D alahan

Soalan 8-14

Ayat-ayat yang berikut mungkin betul dan mungkin salah. Jika terdapat kesalahan, kesalahan itu telah ditanda dengan A, B atau C dan jika tiada kesalahan telah ditanda dengan D.

Pilih jawapan yang paling sesuai.

- 8 Anak kambing yang hilang itu akhirnya ditemui terjatuh di dalam sumur di belakang rumah tuannya. Tiada kesalahan.
- A B
C D
- 9 Pada setiap hari minggu, Encik Malik mengajarkan Matematik Tambahan kepada anak Encik Wong yang akan menduduki peperiksaan SPM pada tahun ini. Tiada kesalahan.
- A B
C D

- 10 Pendapat yang dikemukakan oleh pemuda itu jauh lebih matang dari usianya yang sebenar. Tiada kesalahan.
 A B C D
- 11 Masyarakat Malaysia telah menyedari bahawa internet dapat dijadikan sumber pendidikan dalam kehidupan. Tiada kesalahan.
 A B C D
- 12 Apakah saudara akan bertanding dalam pemilihan Ahli Jawatankuasa Kampung Teberau itu nanti? Tiada kesalahan.
 A B C D
- 13 Sebagai akibat kejadian banjir baru-baru ini, beratus ayam kepunyaan Pak Yaakub telah mati. Tiada kesalahan.
 A B C D
- 14 Buah epal yang disimpan di dalam peti sejuk itu sudah lisut dan tidak enak dimakan Lagi. Tiada kesalahan.
 A B C D

Soalan 15-17

Pilih ayat-ayat yang menggunakan perkataan berhuruf condong dengan betul.

- 15 I Jenama pakaian buatan Jepun itu *puri* dan berkualiti tinggi.
 II *Puri* yang dibina sejak zaman penjajahan Portugis itu masih wujud hingga sekarang.
 III Emak memasukkan setin *puri* tomato ke dalam masakan nasi daging.
 IV Masyarakat yang beragama Hindu di Bali membina *puri* sebagai tempat pemujaan.
- A I dan II sahaja
 B III dan IV sahaja
 C I, II dan III sahaja
 D II, III dan IV sahaja

- 16 I Penyanyi tersohor yang bersuara lunak itu menyampaikan lagu sambil *memetik* biola.
- II Setiap pagi pekerja di ladang teh akan *memetik* daun-daun teh.
- III Doktor Fadzilah Kamsah sering *memetik* kata-kata hikmat tokoh-tokoh terkenal.
- IV Pak Hitam bersiul-siul sambil *memetik* jari ketika berkomunikasi dengan burung tekukur kesayangannya.
- A I dan II sahaja
- B III dan IV sahaja
- C I, II dan III sahaja
- D II, III dan IV sahaja
- 17 I Berita palsu tentang perkahwinan artis itu *tersembul* secara meluas dalam media massa.
- II Secara tiba-tiba seladang liar itu *tersembul* dari kawasan semak di pinggir jalan.
- III Dia ketawa berdekah-dekah sehingga *tersembul* nasi daripada mulutnya.
- IV Disebabkan terlalu marah, matanya *tersembul* keluar sehingga menakutkan kami semua.
- A I dan II sahaja
- B III dan IV sahaja
- C I, II dan III sahaja
- D II, III dan IV sahaja

Soalan 18 - 21

Bahagian yang **bergaris** dalam ayat-ayat yang berikut mungkin mempunyai kesalahan dalam penggunaan bahasa atau mungkin juga tidak.

Tandakan sama ada **A, B, atau C** jika ayat itu mempunyai kesalahan dan tandakan **D** jika tiada kesalahan.

- 18 Keputusan yang cemerlang telah saya peroleh dalam peperiksaan akhir tahun yang lalu.
- A saya telah peroleh
 - B telah diperolehi saya
 - C telah saya memperolehi
 - D telah saya peroleh
- 19 Beberapa das-das tembakan telah kedengaran sejak berlaku kekacauan di kawasan itu.
- A Beberapa das tembakan
 - B Beberapa tembakan
 - C Beberapa das tembakan-tembakan
 - D Beberapa das-das tembakan
- 20 Sempena ulang tahun perkahwinan, ibu membelikan sebuah buku agama kepada ayah.
- A ibu membeli ayah sebuah buku agama
 - B ibu membelikan ayah sebuah buku agama
 - C ibu membeli kepada ayah sebuah buku agama
 - D ibu membelikan sebuah buku agama kepada ayah.
- 21 Para peserta sedar benar akan persiapan mereka tidak mencukupi.
- A peserta sedar benar yang persiapan
 - B peserta sedar benar tentang persiapan
 - C peserta sedar benar bahawa persiapan
 - D peserta sedar benar akan persiapan

Soalan 22 -24

Pilih ayat yang mempunyai maksud yang sama atau maksud yang paling hampir dengan ayat yang dicetak tebal.

22 Perubatan tradisional masih mendapat tempat dalam kalangan pengguna walaupun perubatan moden terbukti dapat menyembuhkan pelbagai jenis penyakit.

- A** Walaupun perubatan moden terbukti dapat menyembuhkan pelbagai jenis penyakit namun perubatan tradisional masih mendapat tempat.
- B** Kalangan pengguna masih lagi mempercayai perubatan tradisional walaupun perubatan moden terbukti dapat menyembuhkan penyakit.
- C** Pelbagai penyakit dapat disembuhkan melalui gabungan rawatan tradisional dengan rawatan moden.
- D** Walaupun perubatan moden terbukti dapat menyembuhkan pelbagai jenis penyakit, namun perubatan tradisional masih mendapat tempat dalam kalangan pengguna.

23 Hutan paya bakau berfungsi sebagai benteng ombak, mengawal banjir dan penapis bahan pencemaran di samping kaya dengan pelbagai spesies.

- A** Hutan paya bakau juga bertugas sebagai benteng ombak, mengawal banjir dan penapis bahan pencemaran selain banyak haiwan yang menjadi penghuni hutan bakau.
- B** Banyak spesies yang terdapat dalam hutan paya bakau selain tugasnya sebagai mengawal ombak, penapis bahan tercemar dan mengawal banjir.
- C** Mengawal banjir, penghalang bahan tercemar, menghalang ombak dan kaya dengan spesies haiwan merupakan keistimewaan hutan paya bakau.
- D** Selain terdapat pelbagai spesies, hutan paya bakau juga menjadi benteng kepada ombak, penapis bahan buangan dan menghalang kejadian banjir.

24 "Pastikan kamu akur akan segala peraturan sepanjang perkhemahan ini berlangsung," kata guru penasihat pasukan Kadet Polis kepada peserta-peserta.

- A Guru penasihat pasukan Kadet Polis mengingatkan para peserta supaya akur akan semua peraturan sepanjang perkhemahan itu dijalankan.
- B Sepanjang perkhemahan, para peserta diberikan amaran agar mematuhi semua peraturan yang ditentukan oleh guru penasihat pasukan Kadet Polis.
- C Segala peraturan sepanjang perkhemahan hendaklah dipatuhi oleh para peserta yang diketuai oleh guru penasihat pasukan Kadet Polis.
- D Peserta-peserta dikehendaki oleh guru penasihat pasukan Kadet Polis untuk menuruti peraturan yang terdapat dalam perkhemahan itu.

Soalan 25-27

Pilih ayat-ayat yang betul.

- 25
- I Anak-anak muda dinasihati agar tidak bergelandangan di kompleks beli-belah.
 - II Beliau mahu supaya jawatan itu dipegang oleh orang yang layak.
 - III Wanita itu harus dapat menyelesaikan permasalahan yang rumit itu.
 - IV Geguli yang dibawa oleh adik jatuh berhamburan apabila plastiknya bocor.
-
- A I dan II sahaja
 - B III dan IV sahaja
 - C I, II dan III sahaja
 - D II, III dan IV sahaja

- 26
- I Pelumba-pelumba Grand Prix itu saling potong-memotong untuk memenangi perlumbaan.
 - II Turut hadir memeriahkan majlis perasmian program SARANA ialah Menteri Pelajaran Malaysia.
 - III Pak Usu mengetepikan keretanya untuk memberikan laluan kepada ambulans yang membunyikan siren.
 - IV Tarian asli masyarakat Bidayah dipersembahkan oleh mereka untuk tontonan delegasi dari Australia.
- A I dan II sahaja
- B III dan IV sahaja
- C I, II dan III sahaja
- D II,III dan IV sahaja
- 27
- I Tidak bertanggung oleh saya masalah yang membelenggu fikiran saya selama ini.
 - II Akhirnya Amin berjaya menjejakkan kaki di menara gading.
 - III Mereka akan bercuti ke Pulau Redang atau Pulau Perhentian?
 - IV "Siapa yang berminat untuk menyertai lawatan ke Kelantan, sila daftarkan nama dalam borang yang disediakan," kata guru kaunseling.
- A I dan II sahaja
- B III dan IV sahaja
- C I, II dan III sahaja
- D II,III dan IV sahaja

Soalan 28 - 30

Pilih peribahasa atau maksud peribahasa yang paling sesuai.

Bagai kacang lupakan kulit

- 28 Pengajaran yang diperoleh daripada maksud peribahasa di atas ialah
- A kita perlu sentiasa menghormati orang yang lebih tua daripada kita.
 - B kita perlu mengenang budi seseorang yang telah banyak berjasa kepada kita.
 - C kita perlu mengikis sikap menyombong diri agar disenangi oleh semua orang.
 - D kita perlu mengubah nasib kita kerana hanya kita yang mampu mengubahkannya.
- 29 Peribahasa yang dikejar tak dapat, yang dikandung berciciran mempunyai maksud yang sama ataupun hampir sama dengan
- A harapkan guruh di langit, air di tempayan dicurahkan.
 - B tak tumbuh tak melata, tak sungguh orang tak kata.
 - C untung sabut timbul, untung batu tenggelam.
 - D ayam terlepas, tangan berbau tahi.

Soalan 30 berdasarkan dialog di bawah.

Wartawan: Saya ingin bertanya, apakah rahsia kejayaan cemerlang saudara dalam peperiksaan baru-baru ini?

Naim : Sebelum ini saya pernah gagal dalam beberapa ujian tetapi saya terus mencuba untuk membaiki pencapaian saya. Saya menganggap kegagalan itu sebagai dorongan untuk saya berusaha dengan lebih tekun.

30 Dialog di atas sesuai dengan peribahasa

- A** sudah terhantuk baru tengadah.
- B** sudah jatuh ditimpa tangga.
- C** hendak seribu daya, tak hendak seribu dalih.
- D** sehari selembat benang, lama-lama menjadi kain.

Soalan 31 – 35

Baca petikan prosa tradisional di bawah dengan teliti, kemudian jawab soalan-soalan yang berikutnya.

Maka tatkala itu baginda raja benua Siam pun panggil segala raja-raja dan menteri hulubalang di bawah perintah baginda itu. Maka sekalian pun hadirilah, lalu baginda bertitah, "Adalah aku dengar khabar ada seorang tuan puteri anak angkat daripada Encik Siti di dalam negeri Serendah Kebun Bunga itu, sekarang baharu diberi oleh Encik Siti itu bersuaminya. Maka sekarang ini aku sangatlah berahi kepada tuan puteri itu. Hendaklah kamu sekalian pergi langgar negeri itu, ambil tuan puteri itu, bawa kepada aku kerana aku sangat berahi kepadanya."

Maka tatkala raja, menteri dan pegawai di bawah perintah raja benua Siam itu mendengarkan titah raja itu, maka sekalian itu pun berengkap hendak melanggar negeri Serendah Kebun Bunga itu, hendak mengambil Tuan Puteri Sa'dung di dalam Kota Jelasin itu. Maka telah lengkap sekalian perahu-perahu dan alat-alat senjata setelah cukup semuanya, lalu belayarliah akan menuju negeri Serendah Kebun Bunga, Kota Jelasin itu. Maka dalam orang ramai-ramai itu, ada seorang Tuk Ca disuruh oleh raja Siam itu kerana Tuk Ca itu tahu akan ilmu nujum. Maka belayar itu, tiada beberapa lamanya sampailah ke kuala negeri itu.

Maka lalu dipersembah oranglah kepada Sultan Abdullah, "*Perahu kelanggaran* dan orang Siam terlalu banyak, khabar konon hendak menyerang negeri ke bawah duli tuanku ini." Maka lalu Sultan Abdullah pun berkerahlah sekalian pegawai, hulubalang, pahlawan, dan rakyat sekalian berhimpun, duduk menyuruh hadir belaka kerana musuh orang Siam telah datang kepada negeri kita ini. Setelah itu penyuruh daripada raja Siam pun datang naik menghadap Sultan Abdullah itu meminta Tuan Puteri Sa'dung itu.

(Dipetik daripada prosa tradisional '*Hikayat Seri Kelantan*'
antologi Harga Sebuah Lukisan,
Tingkatan 3, Dewan Bahasa dan Pustaka)

31 Mengapakah raja Siam memerintahkan Tuk Ca turut serta dalam pelayaran menyerang negeri Serendah Kebun Bunga ?

- A Tuk Ca seorang nujum yang mempunyai ilmu kesaktian.
- B Tuk Ca seorang yang bijak dalam ilmu ketenteraan.
- C Tuk Ca seorang yang bijak berkata-kata dan memujuk.
- D Tuk Ca seorang pahlawan yang gagah dan terbilang.

32 Berdasarkan petikan, berikut merupakan latar masyarakat yang digambarkan **kecuali**

- A masyarakat yang bersabar apabila ditimpa bencana.
- B masyarakat yang ingin menunjukkan kekuasaan.
- C masyarakat yang akur akan perintah.
- D masyarakat berketurunan raja.

33 Apakah maksud baris *perahu kelanggaran* di atas ?

- A Bahtera dagang.
- B Kapal kerabat diraja Siam.
- C Kapal yang digunakan untuk berperang.
- D Perahu yang mengalami kemalangan.

34 Berdasarkan petikan, pernyataan berikut merupakan pengajaran yang terdapat dalam prosa tradisional ini **kecuali**

- A kita hendaklah berfikiran rasional.
- B kita janganlah merampas hak orang lain.
- C kita mestilah berani menerima sebarang perubahan.
- D kita hendaklah sedia berkorban untuk kepentingan negara.

35 Apakah kesudahan cerita Hikayat Seri Kelantan ini ?

- A Angkatan raja Siam tewas dan terpaksa kembali ke Siam.
- B Sultan Abdullah telah dibunuh oleh Tuk Ca.
- C Tuan Puteri Sa'dung dibawa ke Siam.
- D Tuan Puteri Sa'dung ghaib.

Soalan 36-40

Baca sajak di bawah dengan teliti, kemudian jawab soalan-soalan yang berikutnya.

KATA-KATA

Kalau kita dicerca dengan kata
Jangan kita terdiam tak berkata.
Pertahankan maruah kita
Lawan kata dengan kata.

Kalau mereka mengherdik dengan kata
Carilah daya kata.
Kalah kita
Jangan kerana putus kata.

Ini martabat bangsa kita
Ini kedaulatan negara kita
Kita pelihara
Dengan kepantasan kata daripada kepala.

Kita merdeka bukan kerana senjata.
Kita merdeka kerana bijak kata.

Aduhai anakanda
Kalau hidup mahu terbela
Pandailah mengucap kata.

HASHIM YAACOB

(Dipetik daripada antologi Harga Sebuah Lukisan,
Tingkatan 3, Dewan Bahasa dan Pustaka)

36 Pengajaran yang terdapat dalam rangkap pertama ialah

- A kita hendaklah senyap apabila diherdik.
- B kita hendaklah mempertahankan maruah dengan kekerasan .
- C kita janganlah mencerca orang lain.
- D kita hendaklah mempertahankan maruah dengan kata-kata.

37 Nada sajak ini ialah

- A sinis
- B protes
- C patriotik
- D melankolik

38

Ini martabat bangsa **kita**
Ini kedaulatan negara **kita**

Unsur gaya bahasa yang bergaris ialah gaya bahasa

- A metafora
- B epifora
- C anafora
- D repitisi

39 Yang berikut ialah persoalan yang terdapat dalam sajak tersebut **kecuali**

- A pemeliharaan kedaulatan negara.
- B penggunaan senjata untuk kedamaian.
- C keberanian mempertahankan maruah.
- D kebijaksanaan berfikir dan berhujah.

- 40 Harapan penyajak dalam rangkap yang terakhir ialah
- A** generasi muda menggunakan kebijaksanaan berhujah untuk membela orang lain .
 - B** generasi muda bijak berhujah dan berfikir.
 - C** generasi muda bijak berhujah untuk memelihara kedaulatan negara.
 - D** generasi muda bijak berhujah untuk memastikan hidup mereka selamat.

KERTAS SOALAN TAMAT